



Univ. Jagell.
Philosophor.

1689. 2 mensis Aprilis.

Pozna 3061.

Institutione Pauli: Palaestra virtutis et sapientiae—
virtuti et honori V.D. Xl. primae huiusce
Candidatorum—dedicata.

PALÆSTRA VIRTVTIS & SAPIENTIÆ,

Post Victrices eruditi certaminis curas, amæ-
nissimis florum, & pretiosis gemmarum donis

INSIGNITA

VIRTVTI & HONORI,
V.V.D.D. XI. Primæ Laureæ Candidatorum,

D V M

In Alma Vniuersitate Cracouiesi,

P E R

Excellentissimum, ac Doctissimum Dominum,

D.M. ALBERTUM
TOPINSKI,

Philosophiæ Doctorem, & Professore, Collegam Minorem.

In frequentissima Illustrium Hospitum Corona,

Artium & Philosophiæ Baccalaurei,

ritu solenni renuntiarentur;

Amoris & gratulationis ergo.

et

V. PAULO SUTKIEWIC,

Eiusdem Laureæ Candidato,

Applausu panegyrico,

DEDICATA.

Anno Reparatæ Salutis, 1689. d. 2 April.



Floré Tibi Niueo pulcherrima LILIA candent,
 Hortorumq; Tibi munera grata ferunt,
 Interior facies animi Te qualis adornat
 In Te tali etiam gradinat imbre polus:
 Ex Pietate places Superis candoreq; Mentis
 Virtutumq; Sacer flos Tibi totus adest
 Hinc quoq; Virtutis niueo iam flore triumphans
 Incipit in terris pulchra Corona Tuar.

C. R. DEBIO-EGA
 VNIV. ELL.
 CRACOVIENSIS

3501 III

Perillustri, & Reuerendissimo Domino,
D. G E O R G I O
I A N U S Z O W I C,
I. V. D O C T O R I,
Ecclesiæ Cathedralis Cracouiensis
C A N O N I C O,
& B. M. V. in Circulo Cracouiensi,
A R C H I P R E S B Y T E R O,
S. R. M. S.

Domino, D. & Patrono Amplissimo.

Atonitam Orbis Vniuersi pupillam, quod magis deceat, & augustiori spectaculo occupet; non aliud est, quam ingeniorum certamen. Perillustris & Reuerendissime Domine. Conflictus hic, cruorem quidem non habet, cussq; in Sicanijs rupibus Chalybe non agatur; & tamen manubias, sed innocentes circumfert: cades, & vulnera non spirat, sauoq; Marte non ferocit; & tamen in Capitolio gloria, supra Pompeios, & Cæsares, Coronas & triumphos recenset: soloq; intelligentiæ, inter confertissimas bonarum mentium acies æmulo nisu; ipsas etiam supernarum mentium intelligentias, ad plausum, & celeusmata vocat. Mucro ille Macedonicus, qui tota Perside, Hyrcanis, Bactris, & Sogdianis non contentus, usq; ad Indiæ viscera perrupit; triumphauit quidem; sed idem quoq; Vespillo gentium Libitarius fuit. Sanctior hic & gloriosior, qui ab ingenio stringitur ut siue casim, siue punctatim feriat, siue vulnere vincat; florumq; & gemmarum delicijs coronetur. Certatum quoq; nuper à Nobis in Palastra Virtutis & Sapientiæ, hoc innocenti quia eruditi certaminis genere; relatiq; floridi pariter & gemmei honores; quibus aliter, nisi sub Tuo candidissimo Perillustris & Reuerendissime Domine, gentilitij Lili coronamento, prodire non licuit; ut in Orbis literati facie, tanto speciosius comparerent. Candor quippe Lilij Tui, totus Eburneus, totus integerrimas animi Tui Nives, & Gratias spirans, Natales suos ut Coronata Vrbi, ita & Palladi Iagellonica debet; quæ pulcherrimum animi Tui decus, in Palastra Virtutis & Sapientiæ Sanctæ, & innocenter,

ad exemplar omnis gloria cum efformasset; Coronis quoque Philosophicis
Selectissimas dotes Tuas sic exornauit; ut Magnarum Mentium flos il-
libatus, Celsissimorumque Principum, unicum ex Te ipso delictum fieres.
Secuta ubique aestimatio Tui, excelsi animi magnitudine digna; Orbisque
Sarmatici iudicio, cultissimarum Europa gentium, honorificus de Te
accessit Sensus; cum Doctoralis Iurisperdentia Laurea erudititas in Te
adduxit Coronas. Authoritas exinde Nominis, & ex Virtute ac Sapien-
tia decus; quod sane apud Celsissimum olim Principem, ANDREAM
TRZEBICKI Episcopum Cracouiensem, illibata Meritorum Tuorum
gloria, & diuturnitate, eousque processerat; ut Olor ille niueus, nihil æ-
quæ dilexerit, quam Lilia Tua, ipsis etiam pretiosissimis Peraugusti Ca-
pituli Cracouiensis, in triplici diademate gemmis feliciter inserta. Pla-
cuere hac, Augustissima quoque Calorum Regina, liliorum omnium com-
pendio, Summaque post Deum puritatis miraculo; quæ Te in medio Cor-
dis sui; quia in Meditullio Urbis Cracouiensis, dilecta in Circulo Basili-
cæ suæ Præsidentem Insulam Archipresbyterali voluit habere coronatum.
Hic Tu, quanta pietate, quæ animi moderatione, quo Vitæ exemplo,
quanto denique Divini honoris, & Purissimæ Matris eius zelo emineas;
non verba, sed lilia pro Te, & quidem tua loquantur: quorum suavis-
simâ fragrantia urbem hanc, Regni & omnis elegantia Sedem, adeo im-
plevisi; ut ob incredibilem Virtutum Tuarum præstantiam, affabilita-
tusque Tua & Comitatis gratias, omnium plane dilectio sis. Decor profe-
cto ille quod intus nites Deoque scrutatori cordium illumem conscientiam,
exhibes; etiam in decorem Domus Domini effusus, Basilicæ Virginæ
portas augustiores reddidit; ut Civitas hac Dei, magnificentius à Te or-
nata illam Tibi aliquando Civitatem aperiat; cuius plateæ aurum mû-
dum, & singula portæ, singula Margarethæ sunt. Sed processere in ma-
ius quam ut intra paginæ huius angustias ventant, mihi certè humanis-
simum gratiæ Tuæ sinus in voto est; ut eruditæ hisce gemmis & flori-
bus pateat, quibus Amplissimum Nomen Tuum veneror, & immorta-
litati consigno; habiturus id præcipuæ felicitatis loco; si inter Clientes
tuos receptus, & eorum numero sim; qui cum Vota Superis pro Te faci-
unt, manibus dant Lilia plenis. Ita Celestes gratiæ uberes Tibi sint; ita
Meritis floridum, ætate longævum, honoribus eminens, nec nisi æternarum
Mentium purissimis manibus decerpendum, Liliū Tuū, cedat pulcher-
rime Vernantem, Ecclesiæ Dei in Coronam, quod vouet & precatur.

PERILLVSTRIS, & REVERENDISSIMÆ
DOMINATIONIS TVÆ,

Clientis Obsequentissimus,

PAULUS SUTKIEWIC, Primæ Laureæ Candidatus.

B. JOANNI
CANTIO
CONFESSORI,
Regni Poloniae, & Academiae
PATRONO.

*In Argumentum deuotissimi cultus, Manubia certaminis eruditi
Lilijs coronata, & ad Sacros Cineres deposita,*
CUM LEMMATE:
Hæc per Te Lilia candent.



Rgo certamen graue, literatis
Vicinus curis, meritisq; plausus
Musa fert Nobis, varioq; frontem
Flore coronat.

Iusta sudato Capiti, per altas
Cracidos Sedes, viruisse laurus
Cernitur, quando spolijs togata
Pallas abundat.

Seriùs doctis labor in Cathedris
Victor exultat; niueisq; latè
Floridus nimbis, meruisse docta
Gaudet in vmbra.

Sed quis hæc Nobis pretiosa, magni
Dona conflictus, & amica Phæbo
Serta tot florum, dedit auspicati
Omine ductus?

Tu triumphorum Venerande Princeps,
Diue certantum Pater, & triumph
Magna Spes nostri, Sapientis ingens
Gloria Stoæ.

Tu laborantes ad honoris augem
Ducis, & vires animi ministras;
Erigis mentes, solidoq; rerum
Cardine firmas.

Sanctitas Vitæ Tua, totq; fulgens
Gratijs Virtus, Cinerisq; Sacri
Dulce depositum, tot habens fauentis
Munera Cæli.

Hic Sacer Nobis genius; Tuq;
Spiritu spirat, quod in erudita
Vixit, & spirat Stagyræ Palæstra,
Lumine dignum.

Si quid & Nobis tribuit, Supernus
Flaminis summi fauor; id pererenni
Reddimus cultu Tibi, iamq; Sacris
Subdimus Aris.

En Tibi cedit niueis Corona
Lilij candens; decet innocens hic
Te Patrem candor, decet hæc venustas
Sacra Patronum.

Quando Naturæ reuirescit Ordo,
Pulchra florentis Speciesq; mundi;
Nos triumphales Tibi liliorum,
Spargimus imbres.

Principi Nostro, Patriæq; dulci,
Mentibus doctis, Craciæquæ Matri
Tu Coronatos dabis Alme CANTI,
Mille triumphos.

Clarissimis, Admodum Reverendis, & Excellentissimis Dominis
EXAMINATORIBUS.

Clarissimo, & Excellentissimo Domino,

D. M. MARTINO OSLINSKI,

Philosophiæ Doctori, Collegæ Maiori, Regio Professori, ac interea
Philosophiæ Facultatis DECANO.

Clarissimo, & Admodum Reuerendo Domino,

D. M. IOANNI BALICKI,

Philosophiæ Doctori, Collegæ Maiori, Regio & Hæbraicæ Linguae Ordinario
Professori, CANONICO Sanctæ ANNÆ.

Excellentissimo, & Admodum Reuerendo Domino,

D. M. ALBERTO IODŁOWSKI,

Philosophiæ Doctori & Professori, Collegæ Minori, SS. Omnium CANONICO,
certaminis eruditi Doctissimis Præsilibus in vim debitæ Venerationis
& gratitudinis.

*Tres Hyblæ ROSÆ, admirandâ Pyrrhi Regis
gemma signata,*

CUM EPIGRAPHE:

Et decor, & pretium.

Regale florum delictum Rosa,
Quæ purpuratis fulgurat ignibus
Ostroq; se tollens rubenti
Exsuperat genus omne florum:

Hyblæa vobis munera gratiæ,
Inserta gemmæ dedicat vnicæ
Natura rerum in qua seipsam,
Aonijs stupuit Senatus.

Expressione & Castalidum Patris
Manumq; Pyrrhi Regis in annulo,
Prisco stupendam fecit æuo
Ingenijs, calamisq; dignam.

Hæc est triumphi gloria maximi;
Quæ tota vobis cedit, amabili
Nexu rosarum, gemmeisq;
Dulcè micat pretiosa donis

Certamen istud nam satis arduum
Quod iam peractum est, Vos Sapientiæ
Duces, & augustæ palæstræ,
Nomina prima fauente plausu.

Vicisse Nobis, per varios Stoa
Dedistis ausus; totaq; portio
Honoris, est Vestri Corona
Nominis, & decus Vniuersum.

An non Rosarum grandine floridâ,
Gemmisque dignum est? quod nitet in Tuæ
Virtutis OSLEINSKI triumpho;
Quo Stagyræ Caput eruditum.

In Te refulget; purpureis apex
Quando rogatus floribus, omnia
In Te coronat. Tuq; Præses
Paranimo, titulisq; maior.

Stoæ gubernas docta Sacraia;
Præstans vt altæ mentis acumine
Et plenus arcano Sophorum
Dogmate, per Cathedrasq; passim.

Doctas triumphans; sic calamo quoquè,

In luce felix publica, & aureæ

Fluore Suadæ; barbitòq;

Dulcifluo cecinisse dignus.

Tot elegantes ingenij Tui

Partus, amano carmine floridus;

Plaususq; per latos iturus,

Quò Tua Te vocat alma Virtus.

Vernans, BALICKI, Te quoq; gratiæ

Ambit Coronis, scilicet hoc agit

Nomen IOANNIS gratiosum,

Indicium bonitatis, intus.

Quæ dulcis in Te spirat Ethesias,

Mentis fauentes Tu placidis Sacras

Suadæ fluentis per Cathedras

Lenè fluis, retinesq; suavi

Aures catenâ. Tu Sophus eminens,

Sensus profundos vt capis; in fibras

Sic audientum fructuosè,

Iudicio satis erudito.

Transmittis; & sic Te Peripateus,

Sublimat altis ex meritis honos.

Et Te rosarum purpurata

Copia, puniceis inundat.

Nimbis. IODŁOWSKI Tu Cracidos decus,

Tu fons disertis Nectaris exedræ

Tu Sidus aureum Sacratæ,

Flos Themidis, Canonum voluptas.

Seu Te Sophorum dogma velit sibi,

Seu Te Palæstræ Iustinianæ

Delphi requirant; par vtrâq;

Laude nites, Meritisq; certas.

Sint ergo Vobis, gemmea cum Rosis

Dicata Seclis dona perennibus;

Et tota Maiestas honorum,

Purpureo decorata cultu

In Vos redundet; milleq; gratijs

Vos omnis ætas efferat; vt decor

Per Vos coronati laboris,

Et pretium Meriti triumphet.



PALÆSTRA

VIRTUTIS & SAPIENTIÆ,

Post Victrices eruditi certaminis curas,
amænissimis florum & pretiosis gemmarum donis
INSIGNITA.

I. V. & Rédo D. CHRISTOPHORO
ZDANOWSKI, Presbytero,

*Vernantibus Hymetti rosis, Hyacinthina gemma ex Sacro antiquæ
legis Summorum Sacerdotum pectorali coniuncta,*

CUM LEMMATE:
Animo Cælestia spiras.

Prima coronati Capitis, Te gloria poscit
Purpureis decorata rosis, gemmisq; coruscans,
Quæ Cali faciem referunt; Cælestibus Aris
Tu quoque nam purasque manus, mentemque dicasti:
Verticis eccè Sacri fastigia flos Tibi cingit
Dulcis, Odoratus, plenus Vernantis Hymetti
Delicio, spiransq; Sacras thymiamata ad Aras;
Cui Cæleste iubar, radians Hyacinthus amico
Federe se iungit, quo Te fulgentius ornet.
Hoc Tua d. s. animi pulcherrima nempè meretur,
Ingenijq; nitor, Virtutis gratia flosque
Eloquij, Cytharaq; melos; dulcedine mirâ
Quæ cecinit Matris Divinæ encomia, claram
Lanretique Domum, postquam feliciter Oras
Ausonias, Sacro licuit Tibi Visere cultu,
Roxolanus certè genius, Tibi nobile carmen
Et Natale decus tribuit, præclaraq; Suada
Munera ZDANOWSKI. Sed Tu coniungere laurus,
Palladias, Sacris Meritis dùm pulchrius optas;
Esto Sacerdotum flos vernans, esto togati
Vt Cælum fulgens Hyacinthia gemma Senatus.

III. V. D. ALBERTO CASIMIRO ROZNOWIC,

*Ex Prænестinis rosis corona, fulgurantibus Amianthi gemmae
ignibus, interlucens,*

CUM EPIGRAPHE:

Et ornat, & radiat.

Insigne Nomen, quæ meruit rosa
Decus Venustum purpureo ferens
Ostro laboratum, per Oras
Climatis Hesperij Virentes,
Nexus decori cū Tua tempora
Eburq; frontis cū niueum Tua
Florente ROZNOWIC corona
Ecce rubens, iaculatur ignes.
Gemma micantes ex Amianthea
Sic elegantes ingenij Tui
Dotes requirunt. sis mereatur
Os roseum, Sapidog; tinctum.
Facundioris nectare fluminis
Sic poscit atas florida; quam Tibi
Musæ Stanislauouenses
Sub Cruce Potacia triumphis.
Rubente magnis, undiq; gratijs
Cultam dederunt; ut tua tempora
Togata Pallas, nunc rosarum
Muriæ purpureo, coronet.

IV. V. D. IOANNI FABIANKOWSKI,

*Vernantis nexus Viola, Amethysti gemma, simili per omnia
colori sociatus,*

CUM EPIGRAPHE:

Suada & indole vernas.

Nascentes violas, dulcis amœnitas
Primi Veris habet; quando rigentibus,
Brumæ frigoribus soluitur, & nouam
Orbis temperiem induit.
Ex hoc purpurei temporis omine,
Pulcher flos viola, Te FABIANKOWI
Cum gemma decorat, cū similes gerit
Claro lumine gratias.
Vernantes animi delicias enim
Musis grata, Tibi contulit indoles,
Fœlici genio mentis ad omnia
Et vis eloquij Tui.

Hoc in Te roseum, dulce, tot Attici
Fundit mellis opes; quot violas habent
Veris primitiæ, gemmea quot micant,
Regum fronte monilia.
Ibis flexamini dotibus eloqui
Clarus per Cathedras, laurigero gradu,
Et fies Sapidi nectare Tullij,
Dulcis gratia mentium.

V. V. D. SIGISMUNDO LISOWIC,

Aurei Coloris flos Chrysocome cum Adamante Indico, maximi pretij & fulgoris pulcherrimè coruscans,

CUM LEMMATE:
Aurea mens inuicta malis.

FLORIDA Natura bonitas, pulcherrima rerum,
Ornamenta ferens, dum vernis undiq; donis,
Alcinoui, Flareq; decus mirabile pandit;
In Tua LISOWIC, generose munera frontis
Auricomas effundit opes, adamanteq; toto
Te solidat roburq; animi cum luce ministrat.
Dignus es hac gemmâ Sapiens, qua pectus obarmat,
Non cedente malis Virtute per omnia tollens
Infractum genium, modò sit mens conscia recti.
Nempe Tibi studium felici tramite ductum,
Fundatum solide, voto respondit amico;
Ardua seu docta, poscebant pulpita Stoa;
Seu Latium voluit, facundo cultius ore,
Grata loqui, dulcesq; animi componere Sensus,
Par Tibi vis. Suada quando Tu fœdera Sacra
Totq; Monarcharum Nexus vincire beatos
Contra Threycias acies satis ore disertis
Suasisti, ductu sapido matura locutus
Hinc Te Chrysocome flos aureus, hinc adamantis
Cum fulgore decus solidum præcingit; ut Orbi
Monstret Te merita docta Virtutis in auge.

VI. V. D. MATHIÆ CELEIOWIC,

*Flori Mellisophilon diſto, Syderites gemma, eximia soliditatis
& gratiæ adiuncta.*

CUM EPIGRAPHE:
Quo Sydera ducunt.

ARcano veniunt arbitrio poli,
Quæ rerum seriem desuper ordinant;
Decretoque perenni,
Orbis iudicium subest.

Hoc dum Vir Sapiens mente agitat sua,
 In Caelos animum tollit & omnia
 Magno pectore suffert,
 Quæ Divum statuit Tripos.
 Præstans hoc animi iudicium Tibi,
 CELEIOWIC adest dum Sapientiæ
 Legem sat bene censes,
 Cæleste arbitrium sequi.
 Dotes ergo Tuas, pulchraquæ pectoris
 Ornamenta Tui, dulcè liquentibus,
 Suadæ iuncta fluentis,
 Tollent Sydera celsius.
 Flos Mellisophilon purpureus Tibi,
 Hinc & gemma nitens lumine Syderum,
 Spondent omine fausto,
 Dignum Nomen honoribus.

VII. V. D. MATHÆO KAWCZYKIEWIC,

*Purpureus flos Amaranthi, cum radiantibus Carbunculi gemma
 flammis effulgens:*

CUM LEMMATE:

Mens Tibi lucida claret.

Nil erudito pectore gratius,
 Inbarq, nullum fulgidius nitet;
 Quam quod serenavit corusca
 Lux animi, Sapiëntiaquæ.
 Cæleste pignus, quod tenebras procul
 Eugans opacas, nubila mentium,
 Dissellit, & diem beatam
 Fert animi Sapiëntis ortu.
 Hac KAWCZYKIEWIC lucida claritas,
 Præclara dos est ingenij Tui;
 Quando Sophorum per Cathedras,
 Peruigili studio nitescit,
 Dilecta Stoa mens Tua; quæ capis
 Sensus profundè difficiles Sophum;
 Et quidquid arcanum togato,
 Proposuit Peripatus Orbi.
 Sic Amaranthi flos, roseus Tibi
 Cedit, coruscans gemmaq, fulgurat;
 Quæ Tu coronato Sophorum,
 Lux Sapiens eris in theatro.

VIII. V. D. ALBERTO WASNIEWSKI,

*Floris Abrotoni perpetuò virentis, gratia cum Topazij gemma pul-
 cherrimo virore conveniens.*

CVM

CUM EPIGRAPHE:
Eloquij sic vernat honos,

Natura genio virens in hortis,
Te flos Abrotoni suo coronat
Cultu perpetui Viroris; in quo
Suadae vis Tua cernitur virefcens!
WASNIOWSKI, quoniam nitor discreti
Ornat Te eloquij; corusca iungit
Cui Topazius eminentioris
Gemmae lumina, gratiasq; vultus
Pleno fidere dulce fulgurantis.
Hic est gemmeus ille floridusque
Oris flexanimi decori Latina
Quo Te Suada Virum, per alta reddet
Olim culmina flore Tulliano.
Vernantem; quod honore laureato,
Dotes ingenij Tui merentur,
Et Virtutis amor, modestiaeque,
Dulcis gratia; qua Tibi Togatas,
Mentes concilias; ut eleganti
Praestans indole, Cracia Mineruae,
Fias dulce decus, Virensque gemma.

IX. V. D. IOANNI ISTUBOWIC,
Flos Lauri Virentis, Calaidis gemma pretiosum decus circumdans,

CUM LEMMATE:
Sapiens cum lauru perennat.

Vernantes animos, laurus dignissima Phaebo,
lure triumphali tingere flore solet.
Nempe velut laurus, specioso germine vincit,
Egelidi Borea tela, rigensque malum;
Sic animus Sapiens, fastisq; perennibus aptus
Inuicta mentis robore, cuncta domat;
Aeoliasque hyemes & saevi nubila Ponti,
Et quidquid vani Spectra timoris habet.
Pectore constanti & solida Virtute triumphat,
Perpendens intus dogmata clara Sophum;
Qualia Tu sequeris, penetras, discernis, amasque
ISTUBOWIC, docta gloria pulchra Stoa.
Ingenio, studioque pari, Sensusque modesti
Laude, Togatorum dignus habere decus.
Hoc Tibi cum gemma pretioso munere venit
Palladiumque in Te, rite coronat opus
Calaidis viror hic, & pulchre laurea vernans
Symbola sunt animi lumine digna Tui
Clarebis Virtute Tua, Studioque Virebus,
Dum Te Stoa Sophum, dum Peripatus amat.

X. V. D. MARTINO FIDETOWIC,
*Eximia Narcissi floris Venustas Chrysoprasi gemma nativum
fulgorem adornans,*

CUM EPIGRAPHE:

Flos & splendor eloquij.

Dicendi faciles dum Tibi Gratia,
Pulchrum nobilitant eloquij decus;
Iusto, FIDETOWIC, Te sequitur gradu,
Vernans gloria Palladis.

Narcissos loqueris, verbaq; floridis
Exornata modis dum Latium Tibi
Facundè sapit & Suada Demosthenis,
Sensus germinat aureos.

Narcissis igitur gemma Chrysoprasi,
In Te iuncta micet, scilicet hoc agit,
Oris pulcher honos, luxq; animi Tui
Tant s digna nitoribus.

Præstas ingenio culeaq; pectoris
Ornamenta Tui celsius eminent;
Dum Te flos Charitum cingit & eloquij
Fulgorem celebrat Tui.

Sic gratus Cathedris ex Sapiencia,
Dono, & flexanimo nectare Tullij;
Inter Laurigeros Nestor eris Viros,
Vincens intima cordium.

XI. V. D. IOANNI NAGY HUNGARO,
Flos Palma arboris Smaragdi gemmae maximi pretij nitorē coronans.

CUM LEMMATE:

Hic doctæ Virtutis honos.

Altius surgens onerumq; semper
Palma Te Victrix, meritis coronat
Flore Musarum, simul & Virentis
Gemma Smaragdi.

Nempe, vicinus Lechico Trioni
Axis Hungaro dedit è Vireto
Te, N. A. G. Y, florem Cracjæ Camanis
Dulcè Virentem;

Hoc amor fecit Studij, Togaque,
Et Sophum Stoa decus erudita;
Quod peregrinas graue non putasses
Visere Musas.

Hic pa

*Hic patet, quantum Cathedris Sophorum
Cura Te felix, solidumq; pectus;
Fecerit; quando Cracia prendis.
Munera laurus.
Ergo Victricis generosa palma
Dona cum gemma referens Virenti
Vince Fortunam, Sapiensq; Virtus
Sit Tua Victrix.*

I. V. D. PAULO SUTKIEWIC,
Primæ Laureæ Candidato,
AUTHORI OPERIS.

In vim mutui affectus, & gratulatorij applausus, offert.

CHRISTOPHORVS ZDANOWSKI,
Eiusdem Laureæ Candidatus.

Floridum Cornucopiae, Margaritis ex Erythraeo Mari Coronatum,

CUM LEMMATE:

Cum gemmis Tibi crescit adorea florum.

HYbla Parens florum, quam vernans copia dulci.
Sepit odoratu Charitum; Zephyriq; tepentes.
In noua congestis cinxerunt Serta, corollis.
Deme precor capiti Etnæo, vel detrahe fronti.
Quâ tulit ante suum Cereris mala filia raptum.
Emeritum redimito caput labor imminet vrgent.
Vere recens remeante noui cum sole Corymbi.
PAVLVM SVTKIEWIC manet hac de messe Corona.
Laurea prima manet; calathi procul ite profani,
Expirate rosa, decrescite Lilia tantæ.
Elysus debetur honos & adorea palma.
Hesperia meruit pretiosa ex arbore, quid plus.
Et tulit auratis potiora cacumina pomis.
Deq; Erythræis conflata monialia gemmis.
Nempè Iagiellonio pendentia præmia Sceptro.
PAVLE capeßlis ouans; vittataq; tempora docto.
Palladis exactæ consignans ritè trophæo.
Quo nitet Alma Parens, Doctorum Academia nutrit.
Te Prolem complexa suam, Virtute decoram;
Quam videt aptari Musis, Genioq; locoq;
Cum Patrios Tibi Cracus alat pro dote Penates.
Laurigero capiti inscripta, Studiisq; sacrata.
Scilicet hæredem Regalis lege Mineruæ.
Te Natale solum facit, atq; Scientia Laurus.
Annos quid referam? cum Palladis atria florem.
Florem illibatum Vitæ, Studiisq; medullam.
Exposuere Tuam luci, quid publica Stoa.

Pulpita sublimis animi fastigia dicam;
 Tota Tibi certè Musarum gratia totus,
 Pegasidumq; Chorus pulcherrima munera donat,
 Ingenio quæsita Tuo, nam Palladis ingens,
 Tu fies aliquando decus, Vatumq; Corona.
 Hinc igitur meritæ fronti cumulentur honores.
 Verna sinu quot Flora fouet, quot nutrit Hymettus.
 Lilia, pupureasq; rosas, gemmaq; quot alto
 Oceani latitant fundo; tot sæcula Viue.
 Palladiamq; Tuis exorna dotibus Urbem,
 Sic Tibi Nostra canit Clio testudine dulci,
 Sic Tibi Fraterno deuincti corde Vouemus.



SUB FELICISSIMIS AUSPICIIS,

Magnifici, Perillustis, & Reuerendissimi Domini,

D. M. MARTINI WINKLER,

S. TH: DOCTORIS & PROFESSORIS,

COLLEGII MAIORIS SENIORIS PATRIS,

Ecclesiarum, Cathedralis Cracouiensis CANONICI, Collegiatarum,

Sandomiriensis Præpositi, Scholastici Kielcensis, Curati Premy-

kouiensis, Scholarum Nouoduorscianarum, & Contuber-

nij Gielaniani Prouisoris, &c.

Studij Uniuersitatis Cracouiensis, Generalis

& Vigilantissimi

R E C T O R I S.



Biblioteka Jagiellońska
sldr0014861



